



Universitätsbibliothek Paderborn

**R. P. Richardi Arsdekin Soc. Iesu S. Theol. Professoris
Theologia Tripartita Sive Resolutiones Polemicæ,
Speculativæ, Practicæ, Controversiarum, & Quæstionum,
etiam recentissimarum, quæ in Schola, & ...**

Missionarijs, & alijs animarum Curatoribus, & Theol. studiosis solerter
accommodatæ ...

Complectens copiosè Resolutiones Theologicas, etiam modernas, ad
proxim accommodatas

Archdekin, Richard

Antverpiæ, 1682

Caput 5. Pro Facultate absolvendi à reservatis, censuris, alijsque casibus,
ad quos possit confessarius recurrere?

urn:nbn:de:hbz:466:1-40873

CAPUT V.

*Pro Facultate absolvendi à reservatis, censuris,
aliisque casibus, ad quo, possit Confessarius
recurrere?*

Ampliorem cæteris in hoc genere facultatem, quantum est ex vi officij, habent Episcopi in sua Diœceli, sed quia multa sunt ad quæ facultas eorum ordinaria se non extendit, Privilegia sibi ampliora à Sede Apostolica aliquando procurant.

Idem dicendum est de Vicariis generalibus. Idem de variorum Ordinum Prælatis, & aliis personis, quibus Sedes Apostolica particulares facultates concessit.

At sciendum est, facultates omnes Ordinis non necessariò cuivis ejus membro competere, sed tantum eas obtainere, quas eorum Prælati singulis respectivè permittunt aut communiant: quâ in te graviter offendent subditi, si suas facultates aut ignorent, aut excedant.

Cavendum insuper, ne Sacerdos aut laicus sine ulteriori examine, statim existimet subsistere qualibet facultates, aut privilegia, quæ in quovis authore aut libro notata, aut olim concessa reperiuntur. Sicut enim quibusdam aliqua dantur de novo privilegia, ita etiam quedam antiqua in posteriorum Pontificum Decretis non rarò revocantur aut restringuntur: quorum singula non nisi à viris prudentiâ & doctrinâ probè instructis satis discerni valent: ideoque in sequentibus pro communi usu ac scientia viam recurrendi commodissimam ac tutissimam aperiemus.

Ut igitur Confessarij, præsertim in Missionibus, cognoscant Facultates in iis concedi solitas, & sciant pro quibus casibus, & indultis, & ad quos recurrere possint, hic subiiciam seriem variarum Facultatum, & indultorum, quæ Sede Apostolica quibusdam personis in variis regnis, ac provinciis largiri solet: prout inventiuntur à sacra Congregatione de propaganda fide ex Regulis à sua Sanctitate approbatis digesta, & apud probatos Authores recensita, ut quædam fusi apud Vericelli in quæ mor. Non quod afferam singulas quas recenseo Facultates talibus personis, aut officiis semper aut necessariò annexas esse, sed quod illis potissimum ab Apostolica Sede pro rerum exigentia liberè concedi aut annexi soleant.

§. I.

Facultates Missionum.

Pro Episcopis in Hibernia & alibi concedi solita, & quibusdam aliis infra exponendis.

Primo. Absolvendi ab hæresi & apostasia à Fide, & à schismate, quo cumque etiam Ecclesiasticos, tam Sæculares, quam Regulares. Non tamen eos, qui ex locis Missionum, in quibus impunè grassantur hæreses, deliquerint, nec illos qui judicialiter abjuraverint, nisi isti natum, ubi impunè grassantur hæreses, & post judicialem abjunctionem illuc reversi, in hæresim fuerint relapsi, & hos in foro conscientiae tantum.

Secundo. Tenendi, & legendi libros prohibitos Hæreticorum, ad effectum eos impugnandi,

Tom. II.

L.

nandi,

242 Pars 3. tract. 2. cap. 5. **Facultates Missionum.**
nandi, & alios quomodolibet prohibitos, præter opera Caroli Molinei, Micolai Macchiavelli, & libros de Astrologia judicaria principali, aut incidenter, vel aliter quovis modo de ea tractantes, ita tamen ut libri ex ipsis Provinciis non efferantur.

Tertiò. Dispensandi in tertio, & quarto simplici, & mixto in contrahendis, in contractis verò cum hæreticis conversis, etiam in secundo simplici, & mixto, & in his casibus prolem susceptam declarandi legitimam.

Quartò. Dispensandi super impedimento publicæ honestatis ex sponsalibus proveniente.

Quintò. Dispensandi super impedimento criminis, neutro tamen conjugum machinante, & restituendi jus petendi debitum amissum.

Sextò. Dispensandi in impedimentis cognitionis spiritualis, præterquam inter levantem & levatum.

Septimò. Hæ verò dispensationes matrimoniales, videlicet, tertia, quarta, quinta & sexta, non concedantur, nisi cum clausula, dummodo mulier rapta non fuerit, & si rapta fuerit, in potestate raptoris non existat; & in dispersionibus tenor hujusmodi facultatem inferatur, cum expressione temporis ad quod fuerint concessæ.

Octavò. Dispensandi in irregularitatibus ex delicto occulto tantum provenientibus, exceptâ eâ, quæ ex homicidio voluntario contrahitur.

Nonò. Dispensandi, & communandi voti simplicia in alia pia opera, exceptis votis castitatis & Religionis.

Decimò. Absolvendi, & dispensandi in quæcumque simonia, & in reali dimissis beneficiis.

Pars 3 tract. 2. cap. 5. Facultates Missionum. 243
tiis, & super fructibus male perceptis, injuncta
aliqua eleemosynâ, vel pænitentiâ salutari, arbi-
trio dispensantis, vel etiam retentis beneficiis, si
fuerint Parochialia, & non sint, qui Parochiis
præfici possint.

Undecimò. Absolvendi ab omnibus casibus
reservatis, etiam in Bulla Cœnæ.

Duodecimò. Dispensandi cum Catholicis su-
per fructibus bonorum Ecclesiasticorum male
perceptis.

Decimotertiò. Dispensandi cum eisdem Ca-
tholicis, ut possint retinere bona Ecclesiastica,
& fructus ex illis percipere, acceptâ ab illis pro-
missione, de stando judicio Ecclesiæ circa eorum
restitutionem cum fieri poterit, illis interim ad-
monitis, ut de dictis fructibus faciant eleemosy-
nam, judicio Confessarij in usum Religionis, cu-
jus ante hæresim, & schismâ erant bona, si adsit
illa Religio, sin ibi minus in pauperes Catholi-
cos, & memores sint, bona illa esse reverâ Ec-
clesiæ.

Decimoquartò. Dispensandi quando expedi-
re videbitur super usu carnium, ovorum, & lac-
ticiniorum tempore Quadragesimæ.

Decimoquintò. Celebrandi Missam quocum-
que loco decenti, etiam sub dio, sub terra, una
horâ ante Auroram, & aliâ post meridiem, bis
in die, si necessitas urgeat, si tamen in prima
Missa non sumpserit ablutionem, & super Altari
portatili, etiam fracto, aut læso, & sine Sancto-
rum Reliquiis, & præsentibus hæreticis, aliisque
excommunicatis, si aliter celebrari non possit,
& non sit periculum sacrilegij, dummodo infer-
iens Missæ non sit hæreticus, vel excommuni-
catus.

Decimosextò. Concedendi Indulgentiam Ple-
nariam

L 2

244 Pars 3 tract. 2. cap. 5 Facultates Missionum.
nariam primò conversis ab hæresi, atque etiam
fidelibus quibuscumque in articulo mortis sal-
tem contritis, si confiteri non poterunt.

Decimo-septimò. Concedendi Indulgentiam
Plenariam in Oratione Quadraginta Horarum
ter in anno indicenda, diebus benevisis, con-
tritis, & confessis, ac sacrâ Communione refectis,
si tamen ex concursu populi, & expositione
sanctissimi Sacramenti nulla probabilis suspicio
sit sacrilegij ab hæreticis, & infidelibus, aut Ma-
istratum offendit.

Decimo-octavò. Concedendi singulis Domini-
nicis, & aliis diebus festis decem Annorum In-
dulgentiam iis, qui præviâ Sacramentali pecca-
torum suorum Confessione Eucharistiam sacra-
ficiunt, in Festis Natalis Domini, Paschatis, &
Assumptionis Beatissimæ Virginis.

Decimo-nonò. Lucrandi sibi easdem Indul-
gentias.

Vigesimò. Singulis secundis feriis, non impe-
ditis Officio novem Lectionum, vel eis im-
peditis die immediatè sequenti, celebrando Mi-
sericordiam de Requiem, in quocumque Altari etiam
portatili, liberandi animam secundum eorum
intentionem à Purgatorijs pénis per modum
suffragij.

Vigesimo-primò. Deferendi sanctissimum Sa-
cramentum occultè ad infirmos, sine lumine,
illudque sine eodem retinendi pro eisdem infir-
mis, in loco tamen decenti, si ab hæreticis, aut
infidelibus in periculum sacrilegij.

Vigesimo-secundò. Induendi vestibus sacula-
ribus, si aliter vel transire ad loca eorum cura-
comissa, vel in eis permanere non poterunt.

Vigesimo-tertiò. Recitandi Rosarium, vel ali-
as preces, si Breviarium secum deferre non po-
terunt,

Pars 2 tract. 2 cap. 5. Facultates Missionum. 245
terunt, vel divinum Officium ob aliquod legitimum impedimentum recitare non valeant.

Vigesimo-quartò. Communicandi prædictas facultates duobus Sacerdotibus tantum in quilibet civitate, & oppido insigni, vel Conventu Regularium Theologis tantum, aut in aliquo Collegio benè instructis, & præsertim tempore sui obitus, ut Sede vacante sint, qui possint supplere, donec Sedes Apostolica certior facta, quod quam prium per delegatos, aut unum ex eis fieri debebit, alio modo provideat.

Vigesimo-quinto. Delegandi simplicibus Sacerdotibus potestatem benedicendi paramenta, & alia utensilia ad Sacrificium Missæ necessaria, ubi non intervenit Unctio, & reconciliandi Ecclesiæ pollutas aquâ ab Episcopo benedictâ, & in casu necessitatis, etiam aquâ non benedictâ ab Episcopo.

Vigesimo-sextò. Conferendi Ordines extra tempora, & non servatis interstitiis, usque ad Sacerdotium inclusivè.

Vigesimo-septimò. Dispensandi super defectu ætatis unius Anni ob operariorum penuriam, ut promoveri possint ad Sacerdotium, si alias idonei fuerint.

Vigesimo-octavò. Consecrandi Olea cum quinque saltē Sacerdotibus, non tamen extra diem Cœnæ Domini, nisi necessitas aliud urget.

Vigesimo-nono. Et prædictæ facultates gratis, & sine ulla mercede exerceantur, & pro eorum Diœcesibus tantum concessæ intelligantur ad septennium. Sic etiam habent variæ Formulae sapientis pro Pontificis arbitrio concessæ, & à probatis Authoribus relatæ, uti & sequentes.

§. 2. Pro Vicariis Apostolicis Hibernie.

Acmodari his solent à Sede Apostolica eadem facultates & gratiae, quae Episcopis in prædicta formula attribuuntur, pro locorum consuetudine, omisâ facultate 25. 26. 27. 28. uti habet praxis libera Congreg. de propag. fide.

§. 3. Pro Superioribus Regularium ibidem.

Concedi postulantibus solent etiam Facultates supradictæ: sed omisâ 14. item 25. 26. 27. 28. & 24. ex parte mutata, hoc modo: Communicandi prædictas facultates duobus Sacerdotibus suæ Religionis in quolibet Conventu, aut Monasterio existente in Civitate aut opido insigni, Theologis tamen, aut in aliquo Collegio benè instructis &c.

§. 4. Pro aliis quibusdam Missionariis.

Exstant & aliæ facultates his minores quas aliquando idonei quidam Missionarij à sacra Congregatione, aut Apostolico Nuncio impretrare solent. Tales sunt ex facultatibus suprà recensitis 1. 2. 5. in foro tantum interno, & 10. absolvendi & dispensandi in simonia, sed cum varia restrictione. Item 16. 17. 19. 20. 21. 22. 23. Quibus additur potestas dispensandi, cum pauperibus tantum, in 3. & 4. gradu consanguinitatis, & affinitatis simplici & mixto, & in 2. 3. & 4. mixtis, non tamen in 2. solo quoad matrimonia futura. Item in impedimento publicæ honestatis, & cognationis spiritualis, præter levantem, & levatum; & modò in prædictis mulier non

Pars 3. tract. 2. cap. 5. Facultates Missinum. 247
non fuerit rapta , aut saltem in potestate raptoris non existat. Insuper benedicendi paramenta, & alia utensilia ad Sacrificium Missæ , ubi non intervenit Unctio : quibus & alia subinde ad-
duntur.

§. 5. Pro Regno Angliae.

Cum in eo regno non sint Episcopi , aliis Prælatis, & idoneis quibusdam Missionariis concedi solent omnes facultates, quas suprà reconsuimus pro Superioribus Regularium, & pro quibusdam Missionariis in Hibernia : immutato nonnihil articulo de communicatione facultatum, & ablata restrictione ad art. 19. hoc modo : Administrandi omnia Sacraenta etiam parochialia, Ordine & Confirmatione exceperis. Sic enim ea facultas pro Anglia à S. Congr. ex-
primi solet.

§. 6. Pro Provinciis Hollandia, & confederatis.

EX Ordinatione sacræ Congregationis pro Episcopis titularibus Hollandiæ easdem facultates concessas reperio quas suprà adduxi in formula pro Episcopis Hiberniæ. Nisi quod tertia facultas in illis Provinciis , ad pauperes restringatur : & decima ex parte mutetur , & in 24. potestas communicandi has facultates relin-
quatur huic Episcopo exercenda in Sacerdotes idoneos, sine restrictione, prout secundum con-
scientiam opus esse judicaverit.

Alij in Hollandia Missionarij impetrare solent facultates similes iis , quas Missionariis quibusdam Angliae , & Hiberniæ concedi declaravi-
mus.

N O T A.

Pro Missionariis Regularium quædam singularia Pontificum Diplomata ex quibus ampliora in hoc genere Privilegia depromuntur,

Innocentius IV. in Bulla 20. quæ incipit, *Cum horâ undecimâ*, Missionariis Regularibus per universum mundum majora quædam Privilegia adiecit. Quæ etiam Nicolaus III. in Bulla sua 2. confirmavit, excipiens dispensationem aut commutationem in Votis ultramarini, continentia, & castitatis, quæ Innocentius saltem expresse non exceptit.

Sixtus IV. in Bulla quæ incipit, *Apostolica servitutis*: Et Pius II. in Bulla, *Dum levamus*, pro Missionariis Ordinis Prædicatorum varia privilegia concedit.

Leo X. in Bulla 3. *Alias felicis*, prædictis adiecit Facultates Innocentij IV. aliasque, restraining Confirmationis administrationem ad Episcopos, si in Provincia reperiri commodè possint.

Adrianus VI. in Bulla, *Exponi nobis*, Missionariis Ordinis Minorum ad instantiam Caroli V. varias facultates indulxit.

Paulus III. in Bulla, *Licet debitum*, &c in aliis, varia elargitur pro Missionariis Societatis Jesu.

Clemens VIII. in Bulla. *Dominici gregis anno 1604*. Missionariis Ordinis Carmelitarum Facultates admodum amplias concessit.

Hæc diplomata integrè recensita reperiuntur in Bullario, & apud Rodericum de privilegiis Regularium, & citantur in Compendio Privilegiorum variorum Ordinum.

Ubi

Ubi adverte, propter Communicationem Priviliorum inter Ordines Religiosos, posse Missionarios unius Ordinis ex alterius Facultatibus juvari, prout traditur in Mari magno Minorum Sixti V. & in B. Aurea, & in B. Dudum Leonis X. ac recentius in Bulla 19. Clementis VIII. In quibus omnibus quid pro singulis valeat, & vigeat, ipsis notum esse solet.

§. 7. *Facultates Ordinariae que quibusdam Regularibus aliquando conceduntur, etiam extra missiones breviter explicatae.*

1. **A**bsoluendi quoslibet, à quibusvis peccatis etiam Sedi Apostolicae reservatis. Intellige quoslibet, non prohibitos per sua Privilegia confiteri extra suum Ordinem, absque suorum superiorum facultate. Intellige etiam ex parte Absolucionis approbationem Ordinarij & cetera requisiuta; nisi quando peregrinatur, veniam concedente Ordinario, si adsit, & Curato non repugnante in sua Ecclesia.

2. Et specialiter, absoluendi ab omnibus casibus, peccatis, & censuris etiam reservatis in Bulla Cœna Domini. Hanc habes integrè expressam supra cap. 4.
§. 1. Quando censura fertur in eos qui, praesumunt, aliquid facere vel attentare, non comprehendunt, eos qui ex metu, & absque notitia sat libera id fecerunt, docent passim Theologi. 2. Si excommunicatio late sit in patrantes, docent etiam non extendi ad mandantes, nisi id alio modo exprimatur. De his & seq pluribus agit Lezana, verbo, Bulla Cœnae, & ex parte Diana, & recentius Chaffaing.

3. Dispensandi super Irregularitatibus Casus dictæ Bullæ consequentes, modo peniteat, & de cetero velit absinere.

250 Pars 3. tract. 2. cap. 5. Facultates Missionum.
finere. Exceptis tamen Censuris & Irregularitatibus
qua continentur in Constitutione Sixti V. de promoven-
tibus, & simoniae promotis ad Ordines.

4. Absoluendi Relapsos qui communiter habentur Ca-
tholici quoties in heresim inciderint: Nisi essent notorij,
& communiter pro talibus haberentur, & agnoscerentur;
pro quibus tantum semel absoluendis privilegium concedi
solet.

Nota, Hæc omnia tantum valere in foro con-
scientiæ, & monendos esse pænitentes, hanc ab-
solutionem ipsis non prodeste in foro externo.
Hinc caveri solet, ubi censura est publica, ut
Confessarius non absoluat nisi consulto suo su-
periore.

5. Concedendi usum Librorum prohibitorum, qui
tamen non sunt editi ad stabilienda dogmata heretico-
rum. Hoc est, qui ex professo id non agunt ut
haeresim aliquam probent vel introducant, qua-
les censemur libri Erasmi, exceptis aliquibus e-
ius Colloquiis, item Ludovici Vives, Bodini, &
Wesenbecij. Quales porro, & sub quibus pænis
libri prohibeantur tradimus infra tract. 5.
quæst. 12.

6. Dispensandi cum illis qui contraxerunt cum impe-
dimento Criminis &c. Et cum adultero conjugi ad pe-
tendum debitum, qui consanguineam carnaliter cogni-
vit. Ubi notat Castropalao, illum qui sic cog-
novisset consanguineam conjugis, sed cum ig-
norantia juris, aut pænae, hoc est, non sciens id
ab Ecclesia ita specialiter prohibitum esse, aut
sub pæna tam gravi, eam pænam non incurere,
& posse sine dispensatione debitum petere.
Scienter verò sic delinquentem, statim incurre-
re hanc pænam privationis nullâ expectata ju-
ris sententiâ, aut declaratione criminis, docet Iñigo
Sanchez, aliique communiter.

7. Com-

7. Commutandi omnia vota , etiam jurata in alia pia opera, dum adest causa rationabilis , sine qua commutatio nulla esset. Debet hæc commutatio fieri in aliquid æquale, vel quasi æquale , nam si fieret in aliquid notabiliter minus , esset ex ea parte dispensatio, non commutatio. Exempla operum in qua aprè fieri possit votorum commutatio, habet varia Sanchez, Medina, Leander de votis infra aliique..

Excipiuntur tamen vota ultramarina, Sanctorum Petri & Pauli in Vrbe, S. Iacobi in Compostella, perpetuae Castitatis, & Religionis.

Dixi, perpetua, quia communis sententia docet votum Castitatis temporale non esse reservatum : nec votum de non nubendo, de non polluendo , vel de statu Ecclesiastico assumendo. Quia hoc ultimum non est votum castitatis promissæ, sed postea promittendæ in isto statu: reliqua autem non sunt Vota castiratis perfectæ & compleæ, qualia debent stricte intelligi nomine voti in reservatione. Inter hæc quinque vota reservata, non censentur comprehendendi vota conditionalia , vel pænalia ; exempli gratia votum castiratis, aut religionis sub hac conditione, si ab hoc morbo convaluero ; aut in pænam, si fornicatus fuero : adeoque talia vota , etiam post impletam conditionem possunt commutari, quia neque absolute , neque ex virtute religionis sunt emissa', uti docet Toletus , Sanchez, & passim alij. Reservatum non esse votum feminæ assumendi habitum sive vitam earum quas vocant Devotas aut Beatas , quia non est status religionis aut castitatis perpetuæ , disertè docet Sanchez, Henriquez, Fagundez, & alij apud Leandrum de voto tract. 1. disp. 7. §. 3. p. 47.

In his cavetur, ne commutatio voti fiat in praejudicium tertij. Quod si promissio non sit illi tertio specialitor facta, & ab eo acceptata, non censetur illi jus acquisitum, adeoque tale votum potest commutari. Plura de voti commutatione fuisus tractat Layman de voto cap. 8. Sicut de Rel. aliquie. Haec de facultate magis ordinaria, nec omnia pro instituta brevitate hic proferenda.

Sunt etiam nonnunquam Regulares, & alii qui ex privilegio Pontificio magis specialiter possunt ex causa in votis dispensare, non injungendo aliud opus, ut sit in commutatione. Absoluere etiam eos qui ignorantes perpetrata simoniā, beneficia Ecclesiastica possident: & dispensare in fructibus male perceptis, modo illa beneficia relinquant. Ac dispensare cum iis in foro conscientiae, qui post simplex votum castitatis matrimonium contraxerunt, quoad perendum debitum, monito tamen penitente, ut si conjugi supervivat, votum servet. Sunt & alia altioris potestatis privilegia. Verum haec ad communem usum recenserentur, ut qui pro hujusmodi casibus remedium querant, facilius sciant ad quos possint pro auxilio recurrere.

Porro, Modum in his procedendi, & absoluendi, & Pænitentiam idoneam injungendi colligimus ex praxi Litteratum Pænitentiariæ Romanæ quorum normam integrum damus & explicamus infra tract. 4. §. 5. in fine.

§. 8. Summula Casuum aliquorum à quibus etiam
Privilegiati absoluere nequeunt.

Cum sit admodum difficile retinere omnes Casus Pontifici reservatos & discernere concessos à non concessis: hic conor brevi compendio colligere Casus per privilegia ordinaria non concessos, qui longè pauciores sunt, ideoque multò facilius memoria retineri possunt, ne in illos impingatur.

Privilegiatus etiam approbatus non potest absolvare à mortalibus subditos aliorum Ordinum, nec eorum Apostataras nec Moniales illis Ordinibus subjectas sine licentia legitimi Superioris cui subsunt.

Neque potest absolvare, & dispensare in Censuris & Irregularitatibus quae continentur in Constit. Sixti V. de promoventibus, & Semoniacè promotis ad Ordinem sacrum.

Neque Hæreticos illos absolvare qui post hæresim sémel publicè abjurataim, rursus in eam relapsi sunt; neque qui sunt hæretici notorii, & pro talibus communiter habiti.

Neque concedere usum Librorum prohibitorum qui ad stabilienda dogmata hæreticorum editi sunt: nec alias prohibitos, nisi forte suis ex privilegio particulari.

Neque dispensare, aut commutare vota quæ dicuntur ultramarina, aut ad limina Apostolorum in urbe, aut ad S. Jacobum in Compostella, neque Religionis, aut castitatis perpetuae. Neque alia vota quorum commutatio cedit in præjudicium tertii.

Qui privilegium sive facultatem accipit ab Episcopo circa Casus ipsi reservatos, per hoc non intelli-

254 Pars 3. tr. 2. cap. 5. Particulat̄es Opinariæ.
intelligitur illi concessa facultas circa Casus
Pontificios in quibus Episcopi absoluunt per ac-
cidens ratione necessitatis, & difficultatis re-
currendi ad Sedem Apostolicam.

Non possunt Privilegiati concedere sacerdo-
tibus in jejunio v. g. in quadragesima, usum
carnium, ovorum, aut lacticiniorum: de pri-
vilegiis particularibus Missionum hic non ago.

Quando habent illi privilegium rehabilitan-
di in irregularitatibus, non intelligitur ea que
incurritur per homicidium, bigamiam, muti-
lationem, & defectum natalium, aut, ut dixi,
ratione Ordinum Simoniacè collatorum, aut
susceptorum.

Nequeunt absoluere nominatum excommu-
nicatum; aut notorium percussorem Clerici;
aut alia reservata, quæ adducta sunt ad forum
contentiosum.

Absolutio Privilegiati non est pro foro exter-
no, sed tantum pro foro conscientiæ: nec ab-
solutis illa proderit ut eximantur siquando in
foro externo accusandi aut puniendi sunt, de-
quo etiam absoluente illos monere convenit.
Denique in his omnibus non agimus de privi-
legiis particularibus, aut extraordinariis quæ Pon-
tifex; aut ad hoc legitimus Superior aliquibus
personis concedere, aut adimere potest pro suo
beneplacito. Hæc saltē sub unum aspectum
studiosè exposita multū meminisse juvabit,
quamvis difficile sit singula sat distinctè expri-
mere, quænam insuper alia sint à quibus absolu-
vere non possint singuli ex suis privilegiis facile
cognoscere.

§. 9. Casu

§. 9. Casus quos Regularium Superiorum sibi
reservare possint.

Quoniam reservatio Casuum debet esset prudens & moderata; & deceat eam maximè versari circa peccata externa, graviora, & opere consummata: hinc Clemens VII. statuit à Regularibus reservari posse Casus qui hic sequuntur.

1. Apostasia à Religione, etiam retento habitu. 2. Nocturna, ac furtiva à monasterio egressio. 3. Veneficia, incantationes, & sortilegia. 4. Proprietas contra votum paupertatis, quæ sit peccatum mortale. 5. Furtum mortale de rebus monasterii. 6. Lapsus carnis voluntarius opere consummatus. 7. Juramentum falsum in judicio legitimo. 8. Procuratio, consilium, vel auxilium, ad abortum fætus animati, etiam effectu non secuto. 9. Occisio, vel vulneratio, seu gravis percussio cuiuscumque personæ. 10. Falsificatio manus vel sigilli officialium monasterii. 11. Malitiosum impedimentum, retardatio, aut apertio litterarum à Superioribus ad inferiores, vel contra.

Plures Casus non vult reservari sine consensu Capituli generalis pro tota Religione: vel Capituli pronuncialis pro provincia. Priors undecim Casus nos, & Ordines plerique actu reservant, & memorie causâ ad hos versiculos aptè rediguntur.

Sortilegus, Proprius, Nocturnus, Apostata, Furtum, Luxurians, Lædens, Falsarius, Impediensque Scribentem ad partem monachum, Perjurus, Abortus.

TRAC^a